

De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Sanctos Mensivm Septembris Et Octobris

Surius, Laurentius

Coloniae Agrippinae, 1576-

VD16 S 10262

De S. Farone Meldensi episcopo.

[urn:nbn:de:hbz:466:1-77413](https://nbn-resolving.de/urn/resolver.pl?urn=urn:nbn:de:hbz:466:1-77413)

x. Cor. 2. sanctorum interuenientibus meritis, ad illa pertingere mereamur gaudia beatitudinis, quæ non vidit oculus, nec audiuit auditus, nec humanus capere valuit intellectus, quæ Deus ante tempora secularia suis præparauit dilectoribus: Cuius honor, laus & imperium sine fine permanet in secula seculorum, Amen.

VITA S. FARONIS EPISCOPI MELDENSIS, EX
M. S. CODICIBVS, PER F. LAVRENTIVM
Surius paraphrasticōs descriptum.

Octobr. 18.
Cap. 1.
Pater S. Fa-
ronis.

Iacob ma-
tac.

Vualbertus
Episcopus
Meldensis.
Vivit in au-
to Faro iu-
uenis.

Cap. 2.

Clotarium
Regē opri-
mē admo-
net.

Faro sua
prudencia
feruat mor-
ti destina-
tos.

Saxonum
dita cædes.

Cap. 3.



EATVS Faro patrem habuit Hagnericum Burgundionem, adeò charum Theodeberto Austrasianorū Regi, vt ab eo in aulam accitus, inter proceres nō mediocriter clarus extiterit. Celebrem eum reddebat, quod Rex eius consilijs vteretur, quod præclara eset sapientia ornatus, hospitalitatis studiosus, sanctorum virorum susceptor & hospes deditissimus atque humanissimus. Animo enim perpicaci facile intelligebat in eorum mentibus habitate Christum, quem in eis venerabatur. Duxit verò coniugem, generis præstantia haudquaquam ipsi imparem. Leodegunda ea dicebatur, tresque ei peperit filios, Faronem, de quo nobis est sermo, Vualbertum & Chalnoaldum: itemque Faram filiam, multa probitate conspicuam. Chalnoaldum pater voluit à beato Columbanō, illustri sanctitate Abbatē, erudiri, cùm is in vasta habitaret solitudine, cui etiam ad iussum beati Columbani fera bellua parere didicit, vt in eius gestis habetur. Vualbertus à sancto Columbanō cum fratre Chalnoaldo & beato Agilo filio Agnoaldi, qui fuit Hagnerici frater, traditus est Eustachio magnæ doctrinæ & sanctitatis viro, ipsiusque Columbani discipulo, instituendus: quibus & plerique alij adiuncti fuere, qui postea Ecclesiarum præfules eximij extiterunt. Vualbertus quidem decimusnonus à beato Dionysio pro vita suæ meritis creatus est Meldenium antistites. Denique Faro à patre Hagnerico in aulam Theodeberti Regis adductus est, sperans se cum suæ dignitatis successorem habiturum, quemadmodum etiā postea euénit. Nam quoad Theodebertus regno potitus est. Faro sanctus iuuenis militari habitu apud degens, inter palatij primarios viros haud vulgari eius familiaritate vñsus est.

Porrò cùm Theodeberti & Theodorici Regum ditiones Clotario cessissent, apud eum quoque Faro præcipuum gratiæ & amicitiæ locum obtinuit: atque ea fidutia fretus, admonebat Regem mundi huius blandimenta & illecebras, cælestis beatitudinis contemplatione calcare, omnibus se comem & amabilem exhibere, aëlis & mores suos ad virtutis præscriptum componere. Dabat etiam operam humanitatis & misericordiæ officijs & operibus, ita vt reos capitis liberare studeret. Nec desunt, qui scribant missos tum ad Clotarium Regem à Saxonum gente legatos, eosque verbis iniuriosis vñs, vsquædeò Clotarij animum exacerbasse, vt iusserit eos confessim interfici, ira præcipite eum extimulante. Et quanuis proceres eum à tali facinore dehortarentur, dicerentque si legatis quanuis inimicæ gentis eam vim afferat, eum ius gentium violaturum, & contra ipsas quoque Francorum leges venturum, nihil tam apud iratum Regem efficere potuisse, quod rupis moderationis habenis, sanū consilium non admireret. Tum verò magna vñsum prudentia Faronem, dixisse vt si eret quod Rex mandasset, sed ita tamen, vt in posterum diem legatorum cædes differreret. Eam sententiam omnium sedisse animis, legatos ea nocte à milite custodiotos: ad eos autem accessisse Faronem, & tantum suis apud eos sermonibus effecisse, vt Christiana religione voluerint initiari: atque id cùm ille Regi & aulicis indicasset, non solum vita donatos, sed etiam muneribus affectos, ad suos cum gaudio renertisse. At postea tamen Saxonum gentem à Clotario, filio suo Dagoberto, qui ab eis vulneratus erat in capite, opem ferente vsquædeò debellatam esse, vt neminem permisit ex eis manere superstitem, qui gladij eius mensuram excederet.

Interea autem, cùm apud Clotarium Regem multa præclarè gereret, sororem Faram virginem sanctissimam cognovit magno ipsius videndi desiderio teneri. Accedit igitur ad eam, & intatum familiari eius colloquio sapientiæ oratione permotus est, vt amplissimos palatij honores, Regisque singularem amicitiam sibi negligendā putarit,

DE S. FARONE MELDENSI EPISCOPO.

1075

putarit, ipsiusque coniugij oblectamenta, adhuc vigente iuuentutis flore, respuerit, & consentiente uxore Blidechilde, Ecclesiastico ordini se adiunxerit, Ecclesiam beati Stephani Meldensis, quae tum magna premebatur paupertate, multis villarum opibus ditarit, sancte quoque Faræ cenobium magnificè sublimarit, & non ciues modò, sed etiam peregrinos & exules suis facultatibus sustentarit. Crescente autem fama sanctitatis eius, gens Anglorum magno eius amore incensa, puellas virgines mittebat, quae eius opera in monasterijs Faræ & alio quodam, Christo militarent. Porro * Chillenum Scotum, virum sanctum, ad Atrebatenenses ipse misit, quos ille sana doctrina & illustribus miraculis ad Christum traduxit.

Sedente quandoque eodem Chileno ad mensam cum Farone, poculum vitreum è manibus pincernæ excidens, cōfractum est. Cernens ea re ministri animum perturbatum Chilenus, vultumque eius pallore perfusum, clam ei innuit, ut fragmenta potuli ipsi præberet. Quæ cùm accepisset, fusis ad Dominum precibus, pro fragmentis redintegratum poculum homini mōrenti restitutum.

Cùm è vita decessisset Vualbertus Meldensis Episcopus, beati Faronis frater, in eius locum, annuente Clotario Rege, Faro subrogatus est. Ad eam autem dignitatem electus, quanta vita sanctitate virtutumque splendore claruerit, satis declarant miracula, quae per eum Christus efficere dignatus est. Beatus Audoenus in fundo suo monasterium condidit ad torrentem Reibensem: cumque beati Petri Apostolorum principis oratorium cuperet dedicari, ei rei operam suam nauauit Faro sanctissimus, quippe in cuius diœcesi extructū esset, atque Audoenus eius loci ordinationem omnem ex eius consilio facere decreuerat. Ipso autem dedicationis die parvū quidem, sed egregiè politum, marmor pontifices benedicentes, cùm deinde altari imponeire vellet, humi collapsum, ita duas in partes seissum est, ut ferro sectum videri possit. Id conspicati antistites Faro & Amandus, proceresque Audoenus & Eligius, in terram sese prosternunt, Deoque preces offerunt. Inde ab oratione surgentes, marmor Crucis signo consignant, moxque adeo inter se partes coalescunt, ut nullum fracturæ vestigium cerneretur.

Quodam Paschali tempore cùm satro chrismate populum beatus Faro confirmaret, quidam puer cæcus inter alios accessit: qui vbi chrismate vacuus est, lumen cœli, quod nunquam anteā viderat, iucundissimus adspexit, simulque sancti spiritus gloriam ex confirmatione secum reportauit.

Cùm beatus vir domesticatim visitaret ouiculas urbis suæ, paternam illis adhibens curam & solicitudinem, casu carcerem, in quo vincti homines detinebatur, præteriit. Id sentientes miseri illi, petunt veniam facinorum, & vinculorum solutionem. Mox ille pietate commotus, Abite, inquit, liberi, quandoquidem factorum vos pœnitent. Ad eam vocem vincula confessim soluta sunt, non ausa detrectare imperium sancti antistitis, in quo Christi virtutem sentirent.

Neque illud silentio premendum putamus, qua virtute animi & prudentia, cùm iam sacrum Christo seruitura accepisset velamen coniunctus eius Blidechilis, beatissimi viri tentationē, ab inuidō & maligno dæmonē illi iniectam, extinxerit. Cùm enim illa sanctimonialis in propria quadam villa sua Deo famularetur, beatus Faro in memoriam rediit amoris & pulchritudinis eius. Itaque misit ad eam, iubens ut ad se veniret. Illa ut audiuit, non est mota loco. Misit iterum Episcopus, & nec sic quidem venire voluit. Vbi autem tertius venit nuncius, sentiens illa sancti viri animum pertinacem, ut & sua & illius pudicitæ consuleret, deposituit vestes, quæ cultiores videri possent: capit is totondit pilos, induensque se cilicio, ea deformitate se ei visendam ostulit. Ille verò tali eam habitu & specie contemplatus, vehementer exhorruit, dolens se tentationi catenū cessisse, multumque admirans, foemine singulari prudentiā ab illico opere sese reuocatum.

Egressus est quandoque vir Dei ab urbe Meldensi ad beati Remigij oratorium pre-candi causa. Cumque ab oratione surgeret, repente ad eius aures perfurit clamor miserabilis, luctusque ingens hominum, in quadam naui medijs in fluctibus permul-tos perisse dolentium. Tum ille consenso ponte, prono vultu se prosternit, orat Dominum Iesum pro salute miserorum: post medium ferè horam flumen baculo, quem tenebat manu, tangit: fit res admiratione dignissima: sine vliuis rudentis aut remigis adminiculo, nauis ab vndis emergit, submersi omnes in litus excent, quorum iam erat vita planè deplorata.

Contentiæ
conjugi, s.
Faro clero
se iungit.

Quidam
hunc avunc
fratrem Fa-
ronis fuisse.

Cap. 4.
Chillenus
fractum vi-
trū precibus
redintegrat.

Caps.
S. Faro fit
Episcopus
Meldensis.

Marmor fra-
cum instau-
ratur diui-
nitus.

Cap. 6.
Nota de
chrismate
miraculum;

Mira arte
tentatio bes-
ati viri ex-
tinguitur.

Multi sub-
mersi rede-
unt ad vu-

Cap. io.
Fuit Episco-
pus 66. an.
nis,

Multa sunt alia sancti Episcopi præclara opera, quæ tamen, nè rædium lectori fastidioso afferamus, prætermittimus. Fuit in Episcopatu à Clotario Rege usque ad Chil- dericum annis sexaginta sex. Migravit autem post multos labores ad beatam requiem, Ecclesia Meldensi lugente, lamentibus Angelis. Cœcus quidam ab ipso ortu, cùm in Rothomagensium finibus degeret procùl à Meldensi ciuitate, nocturna visione admonitus est ad eum beati Faronis petere, visum eius meritis impetraturus. Credit homo visioni, seque accingit itineri. Postquam ad locum indicatum peruenit, omnibus tum diurnis, tum nocturnis horis monachis psallentibus se adiungit, audiissimè expectans promissum oculorum lumen. Et ecce cùm sub aurora quandoquæ staret ad sepulcrum beati viri, monachis cantantibus versum illum, Deus misereatur nostri, & benedic nobis, illuminet vultum suum super nos: palpebre haec tenus semper clausæ, stillantes sanguinem, aperiuntur: perspicueque cernit, qui ad illud usque tempus lumen ignorauerat: præstante Domino nostro Iesu Christo, cui est honor & gloria in secula seculorum. Amen.

Cap. ii.
Lege vitam
S. Eustachij
cap. 3. & 4.

Haec tenus beati Faronis historia in MS. codicibus habetur, quæm satis confirmant ea, quæ in vita sancti Eustachij siue Eustasij Abbatis Luxouienis 29. Martij Tomo 2. leguntur. Fit enim ibi quoquæ mentio Chagnerici, quæ hæc historia Hagnericum vocat, qui fuit beati Faronis pater: itemque Landegundæ, siue, ut hæc appellatur, Leodegundæ matris eius: Burgundoforæ quoquæ sororis eius, quam ego sentio eandem esse, quam nostræ historiæ author Faram nominat. Tum etiam Chagnoaldi, siue, ut noster habet, Chalnoaldi, qui beati Faronis & Faræ frater fuit. Facile autem ab alijs atque alijs aliter atq; aliter propria nomina scribuntur & pronunciantur, quæ tamen res nihil mutat personas ipsas. Malè autem in Historia beati Eustachij cap. 3. non longè ab initio, pro Chagnoaldum, scriptum est, Magnoaldum: quo in loco puto mihi imposuisse manuscriptum codicem, minimè tunc obseruatis ijs, quæ postea de Chagnoaldo eodem capite sequuntur: qui tamen error leuiculus est.

VITA DIVI LUDOVICI MORBIOLI BONO-
NIENSIS, EX CARMINIBVS FRATRIS IOHANNIS BA-
PTISTÆ Mantuanii Carmelitæ ad Innocentium octauum Pontificem: compen-
dio conscripta per Carolum Signonum virum doctissimum, quam
ad nos misit Illusterrimus Cardinalis Gabriel Pa-
leatus Episcopus Bononiensis.

Octobr. 28.
S. Ludouici
patria.

Fit Mon-
achus.

Vitæ eius
asperitas.

Abstinētia.

Prædicat
De verbū.



V DOVICVS Morbiolus Bononiæ natus est ex gente obscura, vir fuit media stature, formæ decoræ, barba & capillo nigro, casarie crispa. Ab incunte erat avaritie & libidini fuit deditus, verum mox graui & periculo morbo oppressus, ad Deum se conuertit, ac patientiam inprimis & vitæ asperitatem amauit. Religionem autem professus, primum colore Carmelitarū est usus, deinde albo. Pellibus ouium sèpè corpus velutin, inhorrescere hyeme westem tenuissimā induit, & calceos respuit, ita ut etiam nudis pedibus glaciem premeret. Pro cingulo funem adhibuit. Crines aluit, sed promissos & incomptos. Primum sedem propriâ nullam habuit, sed huc atq; illuc errauit: post in domo Pauli Lupari ciuis Bononiensis habitauit. Cæterum aut humi, aut in duris stramætis cubare assuevit, lapidem sibi pro ceruicali sternens. Cibo delectatus est non solùm tenui, sed etiā vili, eumque, si deliciator videretur, cinere sèpè conspersit. Omnipotens carnibus abstinuit: ficus, poma, nuces atque olera frequetavit, que aut cruda sumpsit, aut certè sine oleo coxit. Ita ex summa inedia maciem summam contraxit. Per noctem lachrymas lapi- de peccatum percutiebat, totus in meditatione passionis Christi defixus. Interdiu, nè ocio langueret, sacras ex ossibus imagines sculpere didicit, aut prædicationi se tradidit, homines ad cœlestē gloriam consecrandā & humanam contemnendam adhortans. Cum iter faciebat, asello vehi consueuerat: & cum manus vinculis, collū capistro implicitū gereret, ridente hominis insaniam populo, de mundo & de semet ipso triumphare dicebat. Huius prædicationis Bononia, Mutina, Regiū, Ferraria & Mantua testes fuerunt. Cultus diuinus austus est, ab eo luminaribus ad altaria insitutis.

Cum